

Percy Jeandor y Chico Harms ta splica:

Preparando pa Festival di Canto Bernadina Growell y tur actividad di Centro di Bario Brasil



ORANJESTAD (AAN) -- Sr. Percy Jeand'or, segun- do presidente di Fundacion Bernadina Grovell, ta elab- ora tocante e plannan cu e fundacion tin pa e aña aki. Na juni lo tene un biaha mas, un festival di Canto di diferente cantica di Ber- nadina, di dje cu Padu, di Bernadina cu su casa y cu diferente otro cantante mas. Pero cualkier com- positor por participa tam- be. Sr. Jeand'or ta desea pa laga e hubentud participa y conoce kico Bernadina a ehecuta tempo di su tempo. E ta haci un yamada pa bin participa na e festival di Fundacion Bernadina Grovell, aunke nos artista no t'ey mas, pero ta keda recorda tur loke el a logra den su carera.

Cualquier persona cu kier participa por inscribi na Centro di Bario Brazil, cerca Sr. Chico Harms, Sra. Lena Orman, sra. Lil- ian Besselink (Shi Preke) of cerca Sr. Percy Jeand'or mes.

A dicidi di cuminza trem- pan, ya cu manera Sr. Jeand'or a bisa: "Trempan ta benta".

CENTRO DI BARIO BRASIL:

Sr. Chico Harms, di Comi- sion Centro di Bario Brazil tame a duna informacion y a elabora tocante e activi- dadnan den bario Brazil pa loke ta e parada cultural.

Sr. Harms a bisa cu e ta bay ta un aña grandi mirando cu e Parada Cultural ta birando grandi cada aña. E lo ta via- hando pa Corsow, mirando cu tur e candidatanan cu a sali reina aña pasa, a haya un pasashi gratis pa bay Fi- esta di Seu na Corsow, na Banda Abao. Un grupo di mas o menos 120 persona lo ta biahando pa Corsow, como un solo Aruba, pa participa den e parada di Seu.

Tin un grupo di Corsow cu ta yudando e comision aya, mirando cu ora cu e grupo bin Aruba, semper nan ta sinti nan mes na cas aki na Aruba. Tambe Sr. Harms a gradici Fundacion Bernadina Grovell pa nan cooperacion cu nan ta duna Comision Centro di Bario Brazil.